

[www.BibleForChildren.org](http://www.BibleForChildren.org)



Zan 14



Isa y'an di ruute sanalliyagí, y'ede: «Kune ulbugun i t'oodé ye. Kun zaapo addugun a Raa wo kun zaapo addugun a nuuno pây. Adda boy Meegó gen ume lekkiyo baadan.»



«Ki kotto aame ume umbo maŋ, nuŋ n'un ki roote ye,  
n'ette n'un d'okkimey ume me. Aame ume n'iida n'un  
t'ikkimo maŋ, n'a-kimo n'un ti'n sika, kono in di lekkey  
kaŋ soo a ume wede nuŋ ni lekkey.»



Mattup ette un raaniya nun Zan leemaguñ, nun ti kune in lekkiyo kettiyo kañ soo t'Isa. Kine in dabirsa kañ soo wo in seeda zakidfi a urzi


k'Isa me, yoñ mozigo kine pay. Wo nun an ti'n zidde a siido ere a




diine k'ahu sundutú Patimos, kono an'de n'ize ulsu ni kazita ono Raa, wo nigizite urzi wede derec Isa y'o iidiba ita.



A kaamiki Unde Raa ti-t'ûune adda k'addó, wo ni wulle kaakido moziko a kandaane, wo a kaakido gette wedusu y'a ti guune eego.




N'a illiga sey suldi pay Raa yi zippe, a kandaane ise a siido, donj ti dandi siido ise adda k'ahu, kane suldi pay genj an d'ôoro, an'de: «In amma wede i-guune a kaakido moziko wo Ulo Damu. A kane tamma, suma, daryika wo toogo, ki daayum.»




Wo n'a wulle geeger ere kamileŋ, tode gette Zeruzalem aware ti deegu ti kandaane, Raa y'igibo an ti t'ikkimo aa erewo ti t'ikkima tuddutú majjaanawa ti t'ette k'ume kulatú. N'a illiga golla awwa ettiyo ti kaakido moziko, t'ede: «Ankenŋo Boy Raa yoŋ a diine duwo. Yode Raa batum

y'a lekka ti kane, kane an t'isa donz'í wo yoŋ Raazaŋ.»




San man maaleeka y'o di y' gize ooye wede ahuzi i  
d'eliyo lekkiyo me. Ahuzi i ralita aa ossoyo wo i lohito  
pupuc ti kaakido moziko Raa ti Ulo Damu me.





Geeger gette i ki dehu peedo koo tere y'a ki ti toore doo  
ye, kono daryika Raa ti di tooriyo wo Ulo Damu  
bingatú.




Wo munda ganigi soo ton i k'etta ye k'adda  
geeger gette, ise wede isiyo suldi don  
k'azzuru k'a ki wolle ye, ise wede  
lohito k'ono ton man.  
Etta k'adda wede sundi  
raaniya adda mattup ere  
ki lekkiyo ere  
k'Ulo Damu danjal.



«Aame geŋ Raa y'a sippa  
zumarzaŋ pay a ume k'edayaŋ.  
Unto umbo baa, mōolo umbo  
baa, dōllite umbo baa, dabar toŋ  
umbo baa. Suldi dōŋ pay  
mazzini geŋ an t'ingile.»




Adda geeger gette, munda wede Raa yi ti y' duude umbo. Kaakido moziko Raa ti Ulo Damu t'aasa adda geeger gettiyo, wo don naabo Raa an i-d'ottila. An di y' wolla Raa t'edayan wo sundi t'a koonaa raaniya a zumbaman.



San man n'a wulle don i t'inda deero sunni an t'ihira a daana kaakido moziko. N'a wulle sey mattupiyagi ohinte, wo adda mattupiyagi gen an a ti riije naabo ere ki wede tuuku y'ize. Wo mattup soo ti doolo ohine pay, tode gette mattup ere ki lekkiyo. Wo don i t'inda gen, wede i-guune a kaakido moziko y'a dikke booradan a naabadan ere an ize raaniya adda mattupiyagi genno. Wede tuuku sundi raaniya adda mattup ere ki lekkiyo gettiyo ye man, an ti y' sedde adda k'olde oggiyo uwo dala dala genno.



Unde Kamilenḡ kane ti erewo ere i seeda an di ruute,  
an'de: «K'edi!» Wede ono geḡ yi'n ollige maḡ, y'a roote  
kay: «K'edi!» Wede ôrme maḡ y'edi, yi dehu maḡ ni di  
t'eela ahu donḡ i d'eliyo lekkiyo, yi siba ki waawiye.



Raa geŋ y'a giyye kine doŋ duniya  
pay, y'aa t'igibo Ulí yoŋ soo daŋŋal ki  
duniya, kono wede tuuku yi ziipa  
addí a yode maŋ, y'a ki t'inda  
ye, wo y'a t'oona lekkiyo  
ere ki daayum.



Romeŋ 3:23 Duwo pay miŋ an t'ize oldiko, in kino an di lidde ti Raa wo ti goolikadi te.

Romeŋ 6:23 Derec, oldiko gette ranŋatú unto, wo de munda wede Raa y'eliyo ki waawiye geŋ lekkiyo ere ki daayum, kono y'in ti'n gitte kaŋ soo ti Galmeegeŋ Isa Almasi.

Eber 9:27 Kun olo, wede tuuku toŋ y'a t'inda kaŋ soo daŋŋal, wo y'inda maŋ, saŋ y'a t'ettey daana Raa kono yi di dekkekey booro.

Epez 2:8,9 Derec, ti beeko ere ki Raa wo t'urzi zaapu k'addugun a yode geŋ, kun d'uune uttiyo. Kane suldi pay geŋ un ele Raa, ti toogo kune ye. Uttiyo gette kun t'uune kun ki niibe munda ye, geŋ un k'ede urzi ki koliyo tuddugun ye.





Romeŋ 10:9,10 Geŋ inŋino aame ki ruuta kereŋ a ɗaana ɗuwo Isa yoŋ Galmeega, wo k'umba adda k'addá yoŋ Raa yi ti y' bilde ti diine ɗoŋ unto maŋ, Raa y'a k'utta. Aame wede yi ziipa addí a Isa maŋ, Raa y'a yi wolla yoŋ ki diine a ɗaanadí me, wo aame wede ti bizí yi ruuta kereŋ a ɗaana ɗuwo Isa yoŋ Galmeega maŋ, Raa y'a y'utta.

Zaŋ 3:16,17 Raa geŋ y'a giyye kine ɗoŋ duniya pay, y'aa t'igibo Ulí yoŋ soo ɗaŋŋal ki duniya, kono wede tuuku yi ziipa addí a yode maŋ, y'a ki t'inda ye, wo y'a t'oona lekkiyo ere ki daayum. Raa y'igibo Ulí ki duniya kono y'a ki ɗekka booro ekki ɗoŋ duniya ye. Wo ɗe yi y'igibo kono t'urzi yode ɗoŋ duniya an d'utte.



1 Zaŋ 5:11-13 Geŋ enno ono doŋ Raa yi ruute me: yoŋ y'in ele lekkiyo ere ki daayum, wo lekkiyo gette in t'uune t'urzi k'Ulí. Wede yi ziipe addí a Ulo Raa geŋ, yoŋ y'uune lekkiyo gette, wo wede yi ki ziipe addí a Ulo Raa ye geŋ, yoŋ lekkiyo gette umbo. N'un raaniya mattup ette kono kun di suune kun uune lekkiyo ere ki daayum, kune doŋ umbe a suma k'Ulo Raa me.



Zan 14; 2 Korent 5 ; Apokalipse 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Mukulu NT (moz) © 2019 Wycliffe Bible Translators, Inc.

<https://www.bible.com/en-GB/bible/2433/MAT.1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

